

Niks stront niks

Horst ik kan 't toch neet loate
um een hartig wurdje met ow te proate
wat ge de leste zomer het gedoan
dat begint toch wal alles te sloan
deure promenades met een schaakspel bijien
tussen bloombek en winkels jage ze ow has van de bien
in America in een straot wurd al twieje joar gewacht,
wannier doar eindelijk bestraoting wurd gelagd

't fraaiste keumt nog, 't is neet geloage:
ze durve os ondernemers nog 100 piek te vroage
vur enne champignon beej 't Horster gementehoes
woarvur, doar geave ze os toch noeit thoes
't Gasthoes, de Zopo en De Vlies,
die valle met os dollars good in de pries
met America steune is Horst neet zo vlug
wat zeen weej van die poen terug?

niks, stront niks, en nog `n beetje minder
doar zakt meej de boks van af
Horst krieg 't best en weej de rest

ge mocht dan met 't hart van Horst bezig zien,
't hart van America sluit oaver, 't deut oaveral pien
de appels die geej vret en woar geej van smult
die zien beej os geschuumd, dat zegge weej onverhuld
de kroeze were met vrachtwagens teruggebracht,
op de Zuuringspiel were weej hiel good bedocht,
zelfs dor 't ganse gewest,
en wat kriege weej vur de rest?

niks, stront niks, en nog `n beetje minder
doar zakt meej de boks van af
Horst krieg 't best en weej de rest

mar neet getreurd, straks is 't gebeurd
dan velt heer niks mier te hale
dan begint America vur zichzellf
en dan mog Horst 't zelf betale, baaaaaaale...

America kan good op eige bien stoan
dan is dat geschuum heer gedoan

as Horst zoe an de geng mot blieve
mot America wal enne teagezin kriege
enne burgemeister is heer good te versiere
di kan 't geld van de stort en 't toerisme behiere
zitte in Horst dan in geldprobleme,
mogde gerust de weg nar America neme
ge kriegt van os...

niks, stront niks, en nog `n beetje minder
doar zakt meej de boks van af
Horst krieg 't best en weej de rest

[Tekst en muziek: Jack Poels]

[mini LP Rowwen Hèze 1987, cd 'Zilver', RHAM 2010]